



Broj: 10/E-11-5429/24  
Sarajevo, ~~04-10-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024.godine (u daljem tekstu: Komisija III), u postupku javne nabavke i isporuke lož ulja za potrebe sistema grijanja u objektu „Vila Braun“, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda broj: 10/E-11-5429/24 od 30.9.2024.godine), Opštinski načelnik d o n o s i:

### ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**GREEN OIL**“ d.o.o. Sarajevo, Ulica Marka Marulića br. 4, 71000 Sarajevo, ID broj: 4200851420006, za nabavku i isporuku lož ulja za potrebe sistema grijanja u objektu „Vila Braun, putem konkurentskog zahtjeva za dostavu ponuda, uz primjenu e-aukcije. Prihvaćena ponuda broj 133-09/24 od 25.9.2024. godine iznosi ukupno **15.999,00 KM bez PDV-a**, odnosno **18.718,83 KM sa PDV-om**.
- II.** Izabrani ponuđač je dužan dostaviti dokaze po članu 45. Zakona o javnim nabavkama, odnosno definisane u Odjeljku III tačka 1.2. Tenderske dokumentacije u roku od 5 (pet) dana od dana prijema ove Odluke, na protokol Općine Centar Sarajevo (original ili ovjerene kopije).
- III.** Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona.
- IV.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### Образложење

Postupak nabavke i isporuke lož ulja za potrebe sistema grijanja u objektu „Vila Braun“, pokrenut je Odlukom Opštinskog načelnika o pokretanju postupka broj: 10/E-11-5429/24 od 26.8.2024.godine putem konkurentskog zahtjeva za dostavu ponuda, uz primjenu e-aukcije. Obavještenje o nabavci broj: 848-7-1-100-3-157/24 objavljeno je na Portalu javnih nabavki dana dana 30.8.2024.godine. Procijenjena vrijednost javne nabavke iznosi 20.794,36 KM bez PDV-a.

U određenom krajnjem roku za predaju ponuda, dana 25.9.2024. godine sačinjen je Zapisnik o otvaranju ponuda u kojem je konstatovano sljedeće:

- da je ukupan broj pristiglih ponuda pet (4),
- da je blagovremeno zaprimljeno ukupno četiri (4) ponude,
- da nema neblagovremeno zaprimljenih ponuda,

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitane su cijene ponuda, kako slijedi:

RB	PONUĐAČ	Ukupna cijena bez PDV-a (KM)	Popust
1.	„HIFA – PETROL“ d.o.o. Sarajevo	18.900,00	/
2.	„EOL PETROL“ d.o.o. Sarajevo	17.500,00	/
3.	„ALMY“ d.o.o. Zenica	19.740,00	/
4.	„GREEN OIL“ d.o.o. Sarajevo	15.999,50	/

Nakon izvršenog otvaranja ponude, Komisija III je pristupila detaljnoj analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Ponude ponuđača „HIFA-PETROL“ d.o.o. Sarajevo, „EOL PETROL“ d.o.o. Sarajevo, „ALMY“ d.o.o. Zenica i „GREEN OIL“ d.o.o. Sarajevo, ispunjavaju formalno pravne, ekonomske i tehničke uslove odnosno zahtjeve Ugovornog organa i iste su prihvatljive.

Tenderskom dokumentacijom je predviđeno provođenje e-aukcije, koja je održana dana 30.9.2024. godine. Ponuđači „GREEN OIL“ d.o.o. Sarajevo i „EOL PETROL“ d.o.o. Sarajevo nisu podnosili nove cijene u odnosu na dostavljene ponude, dok su ponuđači „HIFA – PETROL“ d.o.o. Sarajevo i „ALMY“ d.o.o. Zenica su podnosili nove cijene u odnosu na dostavljene ponude.

Nakon provedene e-aukcije, a na osnovu konačne rang liste ponuđača koji su učestvovali u istoj izvršeno je rangiranje ponuda kako slijedi:

RANG	PONUĐAČ	Ukupna cijena bez PDV-a (KM)
1.	„GREEN OIL“ d.o.o. Sarajevo	15.999,00
2.	„HIFA - PETROL“ d.o.o. Sarajevo	16.083,00
3.	„ALMY“ d.o.o. Zenica	17.499,00
4.	„EOL PETROL“ d.o.o. Sarajevo	17.500,00

Komisija III je u daljem radu donijela jednoglasnu odluku da se Opštinskom načelniku dostavi

#### PREPORUKA O PRIHVATANJU PONUDE

prvorangiranog ponuđača „GREEN OIL“ d.o.o. Sarajevo, Ulica Marka Marulića br. 4 broj: 133-09/24 od 25.9.2024. godine za nabavku i i isporuku lož ulja za potrebe sistema grijanja u objektu „Vila Braun, putem konkurentskog zahtjeva za dostavu ponuda, uz primjenu e-aukcije, u ukupnom iznosu od **15.999,00 KM bez PDV-a, odnosno 18.718,83 KM sa PDV-om.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona. Dokaz o plaćenju naknade za pokretanje žalbenog postupka u iznosu propisanom članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda  
broj: 10/E-11-5429/24 od 30.9.2024.godine

#### DOSTAVITI:

1. „GREEN OIL“ d.o.o. Sarajevo, ul. Marka Marulića br. 4, 71 000 Sarajevo
2. „HIFA-PETROL“ d.o.o. Sarajevo, ul. Hotonj bb, 71320 Vogošća
3. „ALMY“ d.o.o. Zenica, ul. Vrandučka bb, 72000 Zenica
4. „EOL PETROL“ d.o.o. Sarajevo, ul. Patriotske lige bb, 71000 Sarajevo
5. Službi za lokalno-ekonomski razvoj i mjesnu samoupravu
6. Kabinetu općinskog načelnika – Odsjeku za javne nabavke
7. Službi za finansije
8. Arhivi

